



INKOMFA YOMHLABA KWEZOBU CHWEPHESHE IZOLETHA...

IMPILO ENGCONO KUBO BONKE ABANTU

Ibanwe ngenkulu impumelelo nesasa iNkomfa yezwe eyaziwa nge 2nd Africa Technology Transfer Conference, eMgungundlovu, okuyikoMkhulu laKwaZulu Natal.

Abaholi abanohlonze, okuyibo abebe singethe lenkoma, uNgqongqoshe wezokuThutha kulesifunda uBheki Cele kanye noMphathi woMnyango uKwazi Mbanjwa, baye bachaza kabanzi ngoku baluleka kwale Nkomfa ehehe izifundiswa eziphambili emhlabeni kanye nalabo abavelele emkhakheni wezokuthutha.

UMnu. Cele ukhombise intshisekelo enkulo ngale Nkomfa elethela lelizwe udumo, bheka nje ngoba amehlo abethe njo kulesifunda saKwaZulu Natal njengendawo esingabamba imibuthano eseizingeni lomhlaba.

LeNkomfa ithathe izinsuku ezine, ububanjelwe ekomkhulu loMnyango wezokuThutha eMgungundlovu. Lombuthano osezingeni lomhlaba ulandela lowo wokuqala owabanjelwa e-Arusha, eTanzania ngo-2001.

LeNkomfa yethelwe isiqubulo esithi 'Transportation Technology Transfer for Africa's Renaissance,' okusho ukugquqzela ukusetshenziswa kobuchwepheshe ngokuphelele ukuze kufukulwe leyomiphakathi ehlwempu nekhhishwa inyumbazane esemazweni asathuthuka.

Oka Mbanjwa uweseke kakhulu lombono, nokubaluleka kwavo, nesidingo sokusebeniza ubuchwepheshe ukuze kukhuleke labo abasemaketangeni obuphofu kanye nokungabibiko kuentuthuko.

Lokhu ukwenza ngomdlandla njengoba kwathi esemcane, ekhula endaweni esemakhaya eSweetwaters ngaphandle kwaseMgungundlovu, wayezibonela ngawakhe isidingo sokuba kusatshalaliswezidingo-ngqangi ezindaweni zabantu.

UMbanjwa uthe leNkomfa ibuwu mzamo wokubhekana nezifiso zalabo ababizwa ngemiphakathi esathuthuka kanti ukholelwa wukuthi umphumela wayo uzosiza kakhulu ekutheni kutholakale isisombululo esizoletha inqubekela phambili.

"Mhlawumbe okuyiyona ndlela yokuthola umphumela ofunwa ngabantu wukuba kushiyelwane ngezisombululo zezinselelo zobuchwepheshe, ezobunjiniyela, nezenhlalo yabantu nomnotho emazweni asathuthuka, kuhlanganisa nemibuso yaseAfrika," kusho uMbanjwa ngokungathandabuza.

Lombuthano uvulwe nguNgqongqoshe kaZwelone wezokuThutha, uMnu. Jeff Radebe, ophawule ngokuthi uhulumeni omkhulu imbhala uwubona ubalulekile lombuthano.

Inkulomo yokuvula yethulwe nguNduankulu wesifadzwe saKwaZulu Natal, uMnu. Sibusiso Ndebele, othe loluhlelo luyindlela yokwedluliselwa ulwazi kanyenobuchwepheshe busuka kulabo abangabacwaningi luyiswa kulabo abazolusebeniza.

Ezinye zezikulomo ezethuliwe bezingaphansi kwezihloko ezifana nalezi: "Iqhaza le Tanzania Technology Transfer Centre ekukhishweni kolwazi ngezobuchwepheshe, (phecelezi, The Role of Tanzania Technology Transfer Centre In Knowledge and Information Sharing)," "Okungenziwa ukuze izindlela ezithile zobuchwepheshe bezokuthutha ziye emazweni esathuthuka," (phecelezi, The Potential of Stated Preference Techniques in transferring transport technologies in developing countries,),

"Kubhekenwe nezinselelo zokuthunyelwa kobuchwepheshe emazweni asathuthuka," (phecelezi, 'Facing the challenges of technology transfer in developing countries ,') kanye nesihloko esithi: 'Ukufunda ukulawulwa kwezfundo zobuchwepheshe njengesikhali sokusatshalaliswa kolwazi.' (phecelezi, "Learning content management system and learning management system as a tool for knowledge dissemination.")

Ngaphambi kosuku lweNkomfa, uNdosi watshela abemithombo yezindaba ukuthi lenkomfa imayelana nokubonisana ngezokuthuthukiswa kobuchwepheshe, ukuze kufukuleke imiphakathi esezindaweni ezisemakhaya ngamakhono nobuchwepheshe kwezokuthutha.

Ukwethanyelwa kwalomcimbì yilabo abaqavile kufakazisa ukwethembà loMnyango wezokuThutha waKwaZulu Natal. Izinkulomo ezethulwe kulenkoma bezihlanganisa zonke izimo



MEC Bheki Cele: Uthi abantu basemakhaya abathole ulwazi ngobuchwepheshe kwezoku thutha.



UNdunankulu uSibusiso Ndebele: Wamukele abebe kwi Nkomfa yomhlaba ebiggugqzela ukuhanjiswa kolwazi lobuchwepheshe emiphakathini.



Umphathi WoMnyango: uDkt. Kwazi Mbanjwa – uyena owaqala umkhankaso wokuthi kubekhona isikhungo sokusatshalaliswa kobuchwepheshe emiphakathini.

zezokuthutha njengeziyi migogodla yayoyonke imiphakathi, edla izambane likampondo naleygo edla imbuya ngothi.

Izinselelo namathuba abhekene nemiphakathi yasemakhaya uma kuhlanganiswa ezobu njiniyela, ezokwakha amathuba emisebenzi, ezokwakhiwa kwemigwaqo nokuyigcina, ezokuphepha kuyo kanye nokugcinwa komethetho, kanye noku thuthukiswa kwengqalasizinda emakhaya zibe ngezinye zezinto ezixoxiwe kakhulu. Mayelana nengqalasizinda, kukhulunye ngemigwaqo kakhonkolo, ukulungiswa kwemigwaqo, imicikilisho yokulungiswa kwemigwaqo yobhuqu nezinye eziningi.

Ukugcinwa komthetho

Ezinye zezihloko okuyokhulunye ngazo kube ukuthwala ngokweqile kwezimoto ezisindayo emigwaqwni yesifundazwe.


Ezemfundo

Ezokufudisa ngokuphepha emgwaqeni zivele ezinkumweni ezifana nalezi ezithi: 'Izinkomba zomgwaqo: ngabe abashayeli bayazi ngempela na ukuthi yini engale kwe jika lomgwaqo?' (phecelezi, "Road Sign: do drivers really know what is around the next corner?"), 'Ukusebenza ndawonye – okwenzeka ezikoleni ngezinhlelo zokufundisa ngezokuphepha emigwaqeni,' (phecelezi, "Working together - a look at co-operation among school outreach programmes"), kanye nelibaluleke kakhulu elisihloko esithi: 'Kubhekwe esikhathini lapho ezokuphepha zogcine seziyingxenyi yezifundo zesikole ngokuphelele,' (phecelezi, "Towards a structured road safety education curriculum").

Kulomhlangano angeke zasala ezokuxhumana nokudayiswa emizamwei yokugugqzela umbono othi ulwazi lungukwazi kanti kumele lusatshalaliswe ngesikhathi kubo bonke abalundiingayo.



- a. Amalunga e-Top Six Taxi Management Ltd emhlalanganweni woNyaka wosomatekisi obuhanjelwe uNgqongqoshe wezokuThutha wesifunda uBheki Cele kanye noka Zwelonke uJeff Radebe osesithombeni esiphezulu kwesokudla.
- b. UMPATHI wezithuthi eMnyangweni uGeorge Mahlalela umatasu uchazela osomatekisi ngokusebenza kohlelo lwe taxi recapitalization.
- c. Amalunga ososesheni bamatekisi e-region yaseMgungundlovu axoxisana nezithunywa zahulumeni eziholwa nguMahlalela e-Pietermaritzburg YMCA.



Sekuhanjelwa osomatekisi bechazelwa nge-recap

Uhulumeni ngeke abaphoqhe osomatekisi ukuba balethe izimoto zabo uma zisakulungele ukuhamba emgaqwensi. Uhlelo lokuguqula le mboni aluhlosile ukuthatha ibhizinisi, kodwa luhlose ukugqugquzela ukusetshenziswa kwentilasipoti ephephile, etholakala ngokwenele futhi eshibhile kuleli lizwe.

Lokhu kucaciswe uNgqongqoshe wezokuThutha kuzwelonekwe izimoto uJeff Radebe ngenkathi ehambele umhlangano wonyaka wenhlangano esiyinkampani ezimele ngokwayo eyaziwa ngele-Top Six Management Ltd.

Ukukhathazeka okukhulu kosomatekisi, njengoba uhlelo lwe-recap luya kuvuthondaba, kudalwa ngukwesaba ukulahlekela izimoto abazithola kanzima nesezibasize kakhulu ekusimamiseni ezomnotho nenhalakahle emindenini yabo

namathuba emisebenzi eziwakhela abanye abantu, ikakhulu kazi intsha.

UMnyango wezokuThutha kuzwelonekwe nasesifundazweni uyabaqinisekisa osomatekisi ukuthi lokhu kungama hemuhemu angenasisekelo. Engani imboni yamatekisi ethutha amakhulu ezinkulungwane zabantu nsuku zonke, iyingxenye ebaluleke kakhulu emnothweni.

Izhinlelo zokuhambela osomatekisi ezenziwa uMqondisi wophiko lwezithuthi zomphakathi eMnyangweni wezokuThutha KwaZulu-Natal uGeorge Mahlalela, lubonakala lungumqansa nakubabekhona osomatekisi abamukelayo ukuthi izimoto zona kumele zibuye zishintshwe.

UMahlalela uphansi phezulu uhambela osomatekisi kulesifundazwe ukusabalalisa ulwazi oluqondile ngaloluhelo olusha. nokususa ukwesaba nokuqeda

ukudideka kule mboni. Uhambe elalela nezinkinga okuyizona ezikewa ngosomatekisi ngalohlelo olusematheni.

UMahlalela uloku ezama ukubaqinisekisa osomatekisi ukuthi labo abasanda kuthenga izimoto ezintsha nabathole amaphemithi okusebenza emgaqwensi ngeke bamiswe.

“Labo abanezimoto ezingaphezulu kweyodwa bangaziletha izimoto zabo uma sebebona ukuthi azisekho kahle esimweni, bathole u-R50 000 ukuze bathenge ezintsha ezinemibandela yezokuphepha evumelekele,” kugcizelela uMahlalela.

Izhinlelo zokuchazelabantu nge-recap zicacisa kabanzi ngomsuka walolu hlelo, ikakhlukazi iqiniso lokuthi yibona abazicelela ukuba kulethwe izimoto ezishibhile futhi esezebenzile ezivela emazweni angaphandle okuyinto engenhe

neze ngoba lelizwe akuyona indawo yokulahla amagxaba ezimoto zaphesheya.

Kulolu hambo lwabo oMahlalela bayachaza ukuthi nakuba izimoto ezikhona njengamanje ezisesemthethweni zizo-vunyelwa ukusebenza emgaqwensi, unyaka ka-2012 uyokuba umnqamlajuqu.

“Kubonakala kungumqondo omuhle webhizinisi kumanikazi wetekisi ukuba athi uma ethenga imoto entsha manje azi ukuthi usethenga imoto enakho konke okuyimbandela yokuphepha edingekayo.

“Kungaba ngukuchitha isikhathi nemali ukuthenga izimoto eziwuhlobo oseluphuma njengamanje ngoba umnqamlajuqu ngezimoto ezintsha sekuyisikhathi esiyiminyaka eyisikhombisa,” kuchaza uMahlalela.

Ukuthi lezi zimoto ezintsha zizothengeka kalula yini

kuseyinto engakacaci kwabanye ngoba amanani azo asahlukene. UMahlalela uthi njengoba osomatekisi benxuse uhulumeni ukuba asheneke ekubakhetheleni umkhiqizi wezimoto ngokunjalo nenani lazo, kube sukubekwa ezandleni zabahwebi abazimele ukuba baziqagulele amanani.

Nokho ngakolunye uhlangothi, uhulumeni uncome ukuba amanani ahleke ngokweziga ezintathu ngokulandela ukwehlukana kwemithamo ethwalwa izimoto kusuka ku-10 kuya ku-18. Kukulowo soseshini ngamunye ukuzikhethela usayizi wemoto abawuthandayo ngokubhekela izidingo zamalungu awo.

Uhulumeni uthembise ukuxhasa izinhlelo ezakhayo ezenziwa phakathi kwemboni yamatekisi namabhange njengemizamo yokuthola izixazululo ekusizeni ngezimali osomatekisi.

UNdosi ukhumbule usizi lwabesimame emgubhweni wosuku lwabo

UNgqongqoshe we-zokuThutha, uku-Phepha nokuXhumanisa uMphakathi KwaZulu-Natal uBheki Cele ubeyingxene yokugujwa kosuku lwabesi-Fazane eLamontville eThekwini, lapho bekubuthene abesifazane abaqhamuka emiNyangweni eyenganyelwe nguyenya. Bangapezulu kuka-400 abesifazane abebehambele lo mcimbi.

Obekubaluleke kakhulu ngalo mcimbi kube indawo owenzelwe kuyona okuyiLamontville – lapho abantu abangi, kubandakanya nabesifazane, balahlekelwa izihlobo zabo ngesikhathi somzabalazo wenkululeko.

"Ngicele ukuba lo mcimbi wenzelwe lapha ukuze sikhazi ukukhumbula futhi siqhakambise ukubaluleka kokugubha lolu suku nani nonke. Isizathu sami sokubandakanya abesifazane bendawo kungenxa yokwazi ukuhlukumezeka abakuthola ngezikhathi zobumnyama zomzabalazo," kusho uCele.

Kusukela uNgqongqoshe engene esikhundleni sakhe, ulokhu eseenza ngokuzikhanda ethuthukisa abesifazane abangabasebenzi eMnyangweni wakhe. UMnyango we-zokuThutha, kanye noMnyango wezokuPhepha nokuXhumanisa uMphakathi isibenyusile abantu

besifazane abasezikhundleni zokuphatha kanti abanye basazoqokwa kulezi zikhundla ngaphambi kokuphela konyaka.

OnguMqondisi wehho-visi likandabazabantu eMnyangweni wezokuThutha uCindy Zwane uthe: "Simethulela isigqoko uNgqongqoshe ngokuhlale esicabela indlela nokusethembu ukuthi sizo-siqhubela phambili isibani, sisebenzele ukwenza kangcono gaso sonke isikhathi."

UNGqongqoshe ukholelwa ukuthi abesimame bangabholi abanekhono, nakuba ngezinye izikhathi abanye bedonselana phansi. UNdosi ukugxeke kakhulu lokhu kuziphatha wathi abesimame kumele babe neqhaza ekwakheni izimpilo zabo.

Ongusaziwayo ngokwuleka futhi oyishoshovu esiphila ne-HIV uMusa Njoko unxuse abesifazane ukuba babe ngabalawuli bezimpilo zabo ngokuba bathathe izinqumo ezifanele. Ekhulumfa nabesifazane, ubalule ububha nobhubhane lwe-HIV/AIDS okulokhu kubhuqa abesifazane.

Osonkontileka bakaZibambele nabo bebemeyiwe kulo mcimbi ukuba bazoziwonela ukuphumelela kwabesimame. Phela uZibambele uhlelo oselunconywe kakhulu njengoluyimpumelelo ekulweni nobubha ezweni.



The 2nd Africa Technology Tran



Enzani wona lamaTechnology
Transfer Centres?

Aqinisekisa ukuthi kunezisombululo
zobuchwepheshe, zobusayensi, ne-
zobunjiniyela ezinselelwani ezibhek-
ene nokuthuthukiswa kwemigwaqo
ezindaweni ezisemakhaya ..

Kwezingenzansi: UMqondisi we Technology Transfer Centre yoMnyango uSimon Oloo uchazela uN-gqongqoshe wezokuThutha kaZwelonke uJeff Radebe (obonakala evula lesikhungo kwestiphakathi nendawo) kanye nowesiFundazwe uBheki Cele. **Kwesokudla:** UM-phathi woMnyango uKwaZi Mbanjwa noNgqongqoshe ekuqaleni kweNkomfga.

KUKHANKASELWA UKUTHUTHUKISI

NEMINYE IMIZAMO YOKUQINISEKISO

Kwi-Afrika engezansi neSahara. ITanzania neSouth Africa yiwona mazwe ahamba phambili kwiTechnology Transfer Centres, akhombisa ngokusobala isidingo negalelo lalezikhungo. Khona ngempela enzani lamaTechnology Transfer Centres? Lezikhungo ziqinisekisa ukuthi zikhona izisombululo zobuchwepheshe, zobusayensi, nezobunjiniyela ezinkingeni ezibhekene nokuthuthukiwa kwemigwaqo ezindaweni ezisemakhaya ezweni. Lezikhungo zinamalaboratory asezingeni eliphakeme, izindawo zokuhlola ezisezingeni eliphezulu, kuhlangene nezokwenza ucwaningo, ezoqequeso kanye nokuqoqela ulwazi ndawonye. Lapha-ke Kwa-

Zulu Natal lesikhungo siqinisekisa ukuthi uMnyango wezokuThutha unengqalasizinda efanele yokubhekela, okuhlanganisa ama-pavements, imigwaqo yobhuqu, ukubhekela kwamabuhloho, kuye kuyoshaya ezibalweni zezingozzi kanye nesizinda sokubalwa kwezimoto.

Isibonelo esihle sokuthi lesizinda senzani sitholakala enselelwani ebhekene neKwaZulu Natal ekutholeni impahlala esetshenziswa ukwakha umgwaqo wobhuqu.

Lesikhungo sisize isifundazwe ngokuba sisbenzile amakhemikhali ashintsha inhlabathi, engaphezu komgwaqo iqine.

Inholso ngqangi kahulumeni wukwakhela imiphakathi imigwaqo, kanti lesikhungo

sizoqinisekisa ukuthi lok kunezinkinga ezihlangan kwemali. Ngakho-ke lessizinhlelo zikahulumeni esalela kokwakhwa kwe Sona lesikhungo siphind qeda ubuphofu, siveze nakshe nanomnotho ngez imigwaqo, uZibambele

Esinye sezibonelo esuziso Iwalesikhungo yin isikhathi esingahlalwa wsokusebenza. Lesikhungo zobusayensi ukuqagula Izibalo ezietshenziso



Transfer Conference



SWA KWE AFRIKA...

O IMPUMELELO NGEZOKUTHUTHA

hu kuyenzeka, yize misa ukweswelakala ikhuno senza ngcono ceziqueonde ukuqedu ukumigwaqo eSouth Africa. de siphokophelele ukulamathub emisebenzi, inhlelo zokuvuselela kanye noVukuzakhe. sibambekayo esikhomba nizamo yokuqagula umgwaqo usesimweni o sisebenzia izindlela desikhathi. swayo-ke zisiza iRoad

Traffic Inspectorate ukuba ikwazi ukuqonda kangcono ukuthi yimuphi umgwaqo odinga ukuvikelwa kakhulu emalolini njengoba lezithuthi zaziwa ukuthi zenza umonakalo omkhulu emigwaqeni.

Lesikhungo siphinde sesekeli ngezidindo zokuthutha kulezozifundazwe zakuleli ezinemiphakathi eminingi yasemakhaya. Lesikhungo sikoMkhulu loMnyango wezokuThutha eMngunguindlovu (172 Burgher Street), ngaphansi kwe Chief Directorate eyaziwa nge Corporate Services. Umsebenzi waso uhlanganisa ukwenza izifundo zokuvuselela kubasebenzi bakahulumeni kwezobu chwepheshe, siphinde sisize ukuqequesha nabafundi

basenyuvesi nabase-technikon.

Sona belu lesikhungo siphinde sesekeli abafundi ngemigudu abangayilandela eponde ukubathuthukisa ezifundwei zabo ezinjenge sayensi ne-maths.

Enye yezinholo eziphambili kulesikhungo wukusiza abantwana bezikole ezisemakhaya ukuba bathole amathuba okufunda amakhomputha nezifundo zobuchwepheshe ukuze bakwazi ukuquhuelana kahle nabanye abalitholile ithuba lezifundo zobuchwepheshe namalaboratory ezikoleni zabo.

Izithombe zesikhungo sobuchwepheshe soMnyango.

Impumelelo yeKwaZulu Natal Technology Transfer Centre:

- Ukuhlela kabusha kokuphatha okwenziwa, kwaye kwaphethwa.
- Njenje ngxenye yokwenziwa kophenyo nokuxhumana, sekwakhwiwe i-video echaza ngohlelo lokwakhwiwa kwemigwaqo kuseshenziswa abantu Iwenziva.
- Ibhukwana elisetshenziswa yilabo abasebenza ngaphandle lokuhlela nokuqapha bokwakhwiwa komgwaqo lasungulwa. Liyimiqulu emibili kanti luhlanganisa konke mayelana nokwakha imigwaqo kuseshenziswa abantu ngendlela elula.
- I-T2 yafaka isandla emncintiswaneni wokwakha ibhuloho owawuhlelwengabakwa-SAICE.
- Isikhungo siyahubeka nokusiza abafundi bonyaka wesithathu baseTechnikon ukube baqedele izifundo zabo.
- Wonke amabulohlo nama-culverts abhaliswa abese exhunywa nemigwaqo yaseKZN.



Sebeya eMpumalanga abashayeli abavelele KwaZulu-Natal

Sekuqokwe abashayeli abavelele KwaZulu-Natal kulandela umncintiswano womshayeli wonyaka esifundazweni osanda kwenzelwa eKing's Park Stadium eThekwini muva nje.

Umcintiswano ubuhlukan-iswe izigaba ezine zabashayeli abavelele, okuwumshayeli weloli elingahlukani ikhanda nenqola, oweloli elinekhanda nenqola okuhlukanayo, oewebiasi nowesifazane ovelele oshayela ibhasi.

UDevaraj Govender osebenza kwa-Clover udle umhlanganiso esigabeni somshayeli weloli elingahlukani. "Angicabangi ukuthi nginqobe ngoba mhlambe ngehlukile kwabanye abashayeli. Sengibe ingxenye yalo mncintiswano iminyaka eminingi," kusho uGovender.

Esigabeni somshayeli wesifazane, uBuhle Mkhwanazi osebenza eRemant Alton ubaqwaqwade bonke emakhanda. Egabisa ngomsebenzi wakhe utho: "abantu besifazane bacophelela kakulu kunabesilisa uma kukhulunywa ngezokuphepha emgaqweni". Onqobe esigabeni somshayeli

webhasi wesilisa, kube nguNorman Mbanjwa.

Lo mqhudelwano womshayeli wonyaka ugale wenziwa ngokwezfunda eMpangeni, eMnambithi, eMgungundlovu naseThekwini, lapho kuqokwe abashayeli abangu-33 ukuba badlulele kowamanqamu. Inhloso yalokhu bekungukuhlomisa abashayeli bezimoto ezinkulu ngamakhono noku-bafundisa ngezinto eziphatheleno nokuphepha.

Abaphumelele lapha bazobe sebedlulela kokazwelone ozokuba seMpumalanga, kanti ukusuka lapho bazobe besedlulela ezingeni leSADC okungamzwe ase-Afrika esen-ingizimu. Ekugcineni kuyokuba nosezingeni lomhlaba eHolland ngonyaka ozayo.

Ekhulumu kulo mcimbi, uNgqongqoshe wezokuThutha KwaZulu-Natal uBheki Cele uphakamise ukuba kuqiniswe izinhlelo zokucija abashayeli bezimoto kulesi fundazwe ngamakhono okushayela. Ugcizelle ukuba abashayeli bezithuthi zomphakathi baqinisekise ukuthi basezingeni elifanele.



Esingenha: Abaphumelele ngoNobuhle Mkhwanazi (Best Female Bus Driver) kanye no-Devaraj Govender (Driver of The Year and Rigid Category).

Ngenzansi: MEC Bheki Cele kanye nama Jaji.

UZODALA UMEHLUKO OMKHULU UMKHANKASO WEZOKUPHEPHA ENDWEDWE

Umkhandlu womphathi obhekele ukuphepha emgaqweni endwedwe – lapho kunesibalo esiphezulu sabahamba ngezinyawo abafa emgaqweni – usuhiangane noMnyango wezokuThutha ukuhlela izifundo zokuphepha emgaqweni, okuyinto esibonakale isebeenza kakulu ekulweni nokufa kwabantu emigaqweni yethu.

Izehlakalo eziningi zokufa kwabantu abahamba ngezinyawo emgaqweni endwedwe zibikwa emgaqweni ongu-Main Road 100. Njengengxenye yomkhankaso wezokuphepha emgaqweni, iNdwedwe Community Road Safety Council ihlele umkhankaso ka-Asiphephe endaweni ngokusizana noMnyango wezokuThutha. Inhloso yalo mkhankaso ngukuqwashisa ngokubaluleka kokuthobela imithetho yomgwaqo.

Lo mkhankaso wenziwe ku-Main Road 100 ngaphambi kokudlulela eholo lom-



Abe Ndewedwe Community Road Safety Council kanye nezingane zezikole ezahlukene kwi-Road Safety Campaign.

phakathi. Okunye okubaluleke kakulu kulo mkhankaso kube ngukubandakanywa kwaMakhosi, izingane zesikole, abantu bendawo nabanikazi bezithuthi zomphakathi ekufundiseni

ngezindlela ezifanele zokusebenzia umgwaqo.

Babalelwu eshumini abantu abashonile ku-Main Road 100, ngenxa nje yokungathobeli umthetho womgwaqo okwenziwa ngabashayeli

nabahamba ngezinyawo.

UMqondisi wezokuphepha emgaqweni esifundeni saseThekwini uBonga Mpofu utho: "UMnyango wezokuThutha uzbophezele kwezokuphepha emgaqweni

nokwakha imigwaqo eletha umnotho kabantu."

Uphiko lwamaphoyisa omgwaqo i-RTI namaphoyisa eSAPS bakhulume nabafundi, abahamba ngezinyawo emgaqweni nabashayeli mayelana nezokuphepha. Kukholakala ukuthi abahamba ngezinyawo bayishaya indiva imithetho yomgwaqo, kanti abanye kuthiwa bahamba emgaqweni bedakive.

Enye inkinga ephakanyiswe ngeyabashayeli bamatekisi abangasebenzisi izindawo ezakhelwe ukuma ezitobhini, okugcina ngokudala ingozi kwabanye abasebenzisa umgwaqo.

UMpofu uthulele isigqoko umkhandlu wezokuphepha waseNdwedwe nabanye ababambe iqhaza emkhanekasweni ngokuzikhathaza kwabo ngokuphepha emgaqweni. Uthe ukuzibandakanya kwalaba kwenza umnikelo omkhulu emphakathini waseNdwedwe.

Imboni yamathilaki kufanele inike osomabhizinisi abasafufusa amathuba emisebenzi



INKULUMO KANGQONGQOSHE WEZOKUTHUTHA, UKUPHEPHA NOKUKUXHUMANA NOMPHAKATHI UMNU. BHEKI CELE ENGQUNGQUTHE- LENI YAMA THILAKI (FREIGHT EMPOW- ERMENT SUMMIT) EBANJELWE EGOL- DERN HORSE.

Ukuze sakhe amathuba emisebenzi futhi sithuthukise nemboni yezokuthutha kumele siqguqguzele abantu abamnyama ekubambeni iqhaza ekuphathweni kwamabhizinisi kanye nemisebenzi.

Ukusungulwa kwezinkonileka ezisafufusa kungesinye sezisekelo Zokwakhiwa kwezomnotho.

Singathatha isibonelo kwanaye amazwe lapho amabhizinisi amancane ebandakan yeka ekubambeni iqhaza ekwakhiweni kwamathuba emisebenzi nokudlondlobala wezomnotho;

Injongo enkulu yaleNgqungquthela ukumisa uhlelo oluvumela amabhizinisi amancane ukuba akhe amathuba emisebenzi azokhut-

haza ukuzimela komuntu kwezamabhizinisi asafufusa. Okuyiyonanhloso yalombungazwe ukuthi abamabhizinisi amancane bakwazi ukuthola izintuba zemisebenzi ezokwazi ukusimamisa amabhizinisi.

Umigomo yoMnyango wezokuThutha KwaZulu-Natali yilena:

- Sifisa ukukhulisa imiphakathi ebikade icindezelekile ngenxa yemibandela yepolitiki ukuthi ikwazi ukubamba iqhaza kwezomnoho.
- Ukuyletha amathuba okuqequesheka kwezomnotho, namathuba okubamba iqhaza kwezomnotho nokuthuthukiswa kwengqalasizinda, kwakhewe amathuba emisebenzi;
- Ukuvuselela ukukhula kwezomnotho;
- Ukuqinisa ukubambisana kosomabhizinisi;
- Ukwakha amathuba afanayo kosomabhizinisi abancance kanye nalabo abakhulu; kanye
- Nokusiza ukuba bakwazi ukuthola usizo lwezimalie;
- Ukuqhakambisa isidingo sokutholakala.

Amathuba ahlukene ngezithuthi

KwaZulu-Natali kunamagatsha ayishiyagololunye ayimizila yezitimela. Kusukela ngabo 1980, zaphela izitimela ezithutha aantu Izinga lokuthuthwa kwempahla nalo laya lehla, lisuka ekuthuthweni kwama thani angu 8 million ngo 1980, lia ku 25 million ngo 2002.

Ukwehla kwemithwalo ethuthwa ngesitimela isiyonke ngu 72%. Imithwalo ethwalwa ngemizila yezitimele yehle ngenxa yokusethenziswa kwezmoto, lempikiswano isibange ukuthi lomsebenzi unghambini gendlela ejwayelekile ngokwanda kwalabo abahambisa izimpahla, kanye nesim esibi sengqalasizinda yezitimela.

Ukwehla kwezitimela kunciphise amathuba kosomabhizinisi abasafufusa ezindaweni zasemakhaya, abangasakwazi ukubamba iqhaza ekuhambiseni izimpahla zisuka ezitimeleni njengoba izithuthi ezinkulu kuyizona esezenza lomsebenzi.

Ekuzameni ukuvuselela ukubenza kuka loliwe phakathi komhlaka 22 April 2003 kuya kumhlaka 9 June 2003, saxoxisana namaRRTF (Rural Road Transport Forums – okusho iza-khiwo ezibhekene nokuthuthukiswa wezokuthutha emakhaya):

- Ukusetshenziswa

kanye nekusasa lemilia ekhona ezifundeni ezahlukene; kanye

• Ukwenza amathuba osomabhizinisi abasafufusa avezwa yilemizila. Imiphumela yalezingxoxo ibe ngeyayamukelekile futhi nekhombisa intshisekelo ekuvuseleleni imizila kanye nokwakha amathuba emisebenzi.

Ngokomthetho wezwe, u-Spoornet uyena yedwa osebenza ngemizila yezitimela. Yingakho uMnyango wezokuThutha Kwa-Zulu Natal kanye noMnyango wezokuthutha KwaZulu Natal ubambisene nabakwa Spoornet ekuvuleni imisebenzi kosomabhizinisi abancane.

Lezingxoxo zihlanganisa nemizila ephethwe osomashishini abazimele. Imizila ezbekelilela ikulezi ndawo: Nkwalini, Sisonke District, kanye ne South Coast (Port Shepstone kuya e-Harding). Ezokuthutha ngomgwaqo – osomabhizinisi bezithuthi

Ezokuthutha kwempahla kusezandleni zosomabhizinisi abakhulu. Lokhu kwenza kube lukhuni ukuthi osomabhizinisi abasafufusa bathutuke. Yingakho-ke uMnyango wezokuThutha KwaZulu Natal usuqale uhlelo lokuqequesha ko somabhizinisi abancane abathutha impahla.

**'Ukwehla
kwezitimela
kunciphise
amathuba ko-
somabhizinisi
abasafufusa
ezindaweni
zasemakhaya,
abangasa-
kwazi uku-
bamba iqhaza
ekuhambiseni
izimpahla
zisuka eziti-
meleni njen-
goba izithuthi
ezinkulu kuyi-
zona esezenza
lomsebenzi.'**

Aseqalile amalungiselelo ka-2010 kwezokuthutha

Kwabningi kungazwakala sengathi iminyaka emine esele ngaphambi kweNdebe yoMhlaba ka-2010 iyisikhathi eside kakhulu kanti isisemnyango. Sikhulumna nje uMnyango wezokuThutha, ezokuPhepha nokuXhumanisa uMphakathi usuqalile ukuvivelwa iNdebe yoMhlaba.

Bheka nje, uNgqongqoshe walo Mnyango uBheki Cele usanda kuhola ithimba lakhe bap-hikelela e-Atlanta beyothekela ulwazi ngezindlela abaziseben-zisayu kwezokuthutha nokuthi basigcina kanjani isibalo sezin-gozi siphansi.

Ngokwezibalo zase-At-lanta, zibalelwakwezimbili izingozi ezibikwayo ngesonto kanti ukufa kwabantu kuyinto eqabukelayo.

Lolu hambo lwezinsuku eziyisithupha lubonakala luzowuhlomulisa kakhulu uMnyango wezokuThutha, ezokuPhepha nokuXhumanisa uMphakathi. Leli lizwe laseMe-likila selizibophezele ngokusiza iNingizimu Afrika ukuba ihlang-abezane nezinselelo zika-2010 kuyo yomibili imikhakha we-zokuthutha nowezokuphepha.

Kubuya kwavela nokukhat-hazeka ngokungabikhona

kwabamnyama emisebenzini yokwakhwa kwemigwaqo. In-xusa u-Andrew Young uzinikele ngokusiza abakhi baseNingiz-imu Afrika ukuba bathole ul-wazi olunzulu kwezokwakhwa kwemigwaqo.

Izinselelo ezibhekene ne-zokuthutha eNingizimu Afrika, ukugcinwa komthetho, uku-phepha nokuvikeleka, uku-lungela iNdebe yoMhlaba noku-bandakanyeka komphakathi kwezokuthutha ikakhulukazi intsha, izona zinto ezidingidwe kakhulu lapha.

Phezu kwalokhu, kubuya kwethulwa nezhinlelo ejij-

wayelekile eziqhubekeyo kuleli lizwe. Muva nje kuge nombuth-anu wezokuthuthwa kwem-pahla lapho uNgqongqoshe ephakamise izinto ezifanayo, izinkinga zokunukubezeka kwemvelo kwezokuthutha neq-haza lezokuthutha ekuthuthuk-isweni komnotho.

Mayelana nezokuphepha ngo-2010 kuhlelwukuba kuhlanganiswe zonke izinhlaka zokugcinwa komthetho nokuba zinikwe amandla okusebenza ngendlela efanele.

“Kuyamangaza ukubona indlela lezi zinhlaka eziguqule ngayo umkhuba wokushaya

indiva umthetho kwatshalwa isiko lokugcina umthetho ngokuphelele ngenkathi kunga uhulumeni wentando yeningi.

“Okuqaphelekile nje kuge izinga lezingozi kuleli lizwe. Kubikwa izingozi ezibalelwakwezimbili nje ngesonto lapho abantu bejwayele ukulimala okungatheni. Uma lokhu kunganabela eNingizimu Afrika ikakhulukazi KwaZulu-Natal kungaba ukunqoba kwesifundazwe,” kuphetha uCele.

UMnyango ulwisana nopotsho bamalayisensi

Emkhankasweni woMnyango wezokuThutha KwaZulu-Natal wokulwa nokukhishwa kwamalayisensi okushayela omgunyathi, sekuboshwe omabhalane ababili basemahhovisi amaphoyisa omgwaqo eMpangeni. Kubuye kwaboshwa nomlisa ongasebenzi eMnyangweni okusolakala ukuthi ubesizana nalaba kanti unguemyeni womunye wabo.

Ngemuva kokuthola lezi zindaba, uNgqongqoshe wezokuThutha, ukuPhepha nokuXhumanisa uMphakathi kulesi sifundazwe uBheki Cele ube esenxusa bonke abanala malayisensi omgunyathi ukuba bawabuyise.

Lo mkhankaso owaziwa nge-‘Operation Siyashanel’ uhlose ukueda inkohlakalo nomgunyathi ekukhishweni kwezincwadi zokushayela ezikhungweni zokuhlola. Izikhulu zamaphoyisa omgwaqo sezik-hole ukuthi kunabantu okuba lula kubona ukuthola ilayisensi ngokukhipha imali bese bethola izincwadi ngokushesha.

“Sesizame isikhathi es-


ide kabi ukulwa nale nk-nga. Kuyajabulisa ukufika kuleli gxathu lapho kucaca ukuthi kunamaphoyisa ase-benza ngokungakhathali elwa nenkohlakalo nokukhwabanisa. Noma ngubani ohlanganiswa nalo mkhuba futhi atholakale enecala uzobhekana nengalo yomthetho. Umgomo wethu ka-Zero Tolerance to 100% Compliance usebenza kuyo yonke imikhakha kwezokuthutha, kusho uCele.

Ngenkathi kugasewa endlini kaNonhlanhla Zulu ongomunye walabo mabhalane, kutholakale izicelo zamalayisensi ezingu-186, amalayisensi amabili, amalearners angu-162, amalayisensi esikhashana angu-4, ama-PDP angu-36 nomazisi abangu-13.

Kusukela ngalesi sikhathi sekunabanye futhi ababili ababoshiwe okungumsebenzi ongenasikhundla nokhomanda wesiteshi, okwenza babe bahl-anu sebebonke. Abane bathole ibheyili ka-R5 000 emunye ngaphandle kwalona ongumsebenzi ongenasikhundla othole eka-R3 000.

Uphenyo luyaqhubekeyo kanti abasebenzi ababandakanyekayo basamisiwe emsebenzini kuze kupophothulwe uphenyo Iwan-gaphakathi emnyangweni. “Kulindeleke ukuba kuboshwe abanye abaningi. Ngeke siphumule kuze kube bonke abathintekayo bavela phambi komthetho,” kusho uPetros Sibiya ongu-Control Provincial Inspector.

INhloko yoMnyango uKwazi Mbanjwa uthe uMnyango wezokuThutha uzoqalis ngo-mkhankaso wokulwa nobuge-bengu nenkohlakalo ngesonto lokuqala ku-October nonyaka, ngenhloslo yokubhekana nezindawo ezilokhu zinezink-inga zobugebengu ukuze kuquinisekiswe ukuthi zonke izephulamthetho ziavalelw.



U Marylin Thring beno Verisha Gangai be RTI eMpan-geni ngosuku lwabesifazane.

ABOUT IGALELO

Igalelo is produced by the KZN Department of Transport’s Communication Support Directorate.

Letters to the Editor as well as general comments can be forwarded to:

Igalelo Editor, KZN Transport Department, Private Bag X9043, Pietermaritzburg, 3201. Tel: 033 - 355 8624 Fax: 033 - 355 8632

Website: www.kzntransport.gov.za

IGALELO STAFF

EDITOR: Logan Maistry

NEWS & ZULU LANGUAGE EDITOR: Piwe Mkhize

PHOTOGRAPHY: Master Mosunkutu and Thami Mkhulisa

DESIGN & LAYOUT: Hamraj Gunpath

EDITORIAL TEAM: Melvin Rampedi, Lungile Ndlovu, Bongiwe Dlamini, Lindi Shezi, Thulile Nzama, Elton Naidoo, Michelle Dally, Phindile Myeni.

TRANSLATOR: S'bongiseni Thabethe

TRANSPORT RADIO PROGRAMMES

Ukhozi FM’s Transport Ibandla
**Tuesdays 8-9 pm
and**

P 4’s Straight Talk
Thursdays 6:30-7:30 pm

Inyanga ka October yaziwa njenge bhekelene nezokuThutha um-phakathi, ukuze kugqugqzelwe ukushiswa koshintsho nezinguquo-ko kwezokuthuthwa komphakathi.